



Kinn kommune

Arkiv:

JournalpostID: 26/9779

Sakshandsamar: Linda Alice Myhre
Larsen

Dato: 11.02.2026

Saksframlegg

Saksnr.	Utval	Møtedato
028/26	Formannskapet	24.02.2026
005/26	Gruppeleiarutvalet	25.03.2026

Presisering av forskrift om folkevaldes rett til godtgjersle og velferdsgoder i Kinn

GRLU- 005/26 Vedtak:

Kommunedirektøren skal utforme forskriftsendringar i tråd med følgende:

Utgifter og tap knytt til partipolitisk arbeid vert ikkje dekkja.

Kommunedirektøren fastset utfyllande retningslinjer for handsaming av krav.

Som dokumentasjon for legitimert tapt arbeidsforteneste (inntil kr 6 000 per dag) gjeld:

- For lønnstakarar: skriftleg stadfesting frå arbeidsgjevar om faktisk lønnstrekk, med dato og beløp. Alternativt kan arbeidsgjevar fakturere kommunen direkte.
- For sjølvstendig næringsdrivande og frilansarar: stadfesting av timepris frå rekneskapsfører eller revisor, saman med eigenmelding for den aktuelle dagen.
- Alternativt kan ligningsattest for siste år nyttast som grunnlag for berekning av dagstap ($\text{næringsinntekt} \div 260$).

Som dokumentasjon for ulegitimert tap (inntil kr 1 500 per dag) gjeld eigenmelding der den folkevalde skildrar kva gjeremål møtet gjekk på bekostning av.

Lønnstakarar som nyttar feriedagar for å delta i møte har rett til ulegitimert sats.

Avgjersle i tvilstilfelle:

Kommunedirektøren avgjer i kvart enkelt tilfelle om dokumentasjon eller sannsynleggjering av tap er tilstrekkeleg. Avgjerder kan ankast til formannskapet.

Tap av vakt før møte godtakast dersom arbeidsgivar stadfestar at vakta faktisk gjekk tapt som følgje av vervet og ikkje blir kompensert på annan måte.

Kommunedirektøren kjem tilbake til gruppeleiarutvalet med framlegg til justert forskrift.

Kommunedirektøren sitt framlegg til vedtak:

1. Kommunestyret ber om at det vert lagt fram sak med forslag til presiseringar i forskrift om folkevaldes rett til godtgjersle og velferdsgoder i Kinn.
2. Forslaget skal særleg omfatte reglane om tapt arbeidsforteneste.

Bakgrunn for saka:

Godtgjersle og velferdsgoder for folkevalde i Kinn er regulert i «Forskrift om folkevaldes rett til godtgjersle og velferdsgoder i Kinn».

Den siste tida har fleire folkevalde fått mange personlege spørsmål frå enkeltinnbyggjarar. Spørsmåla gjeld og godtgjersle og velferdsgoder. Dette kan påverke arbeidsvilkåra til dei folkevalde.

Ei vurdering av om forskrifta bør justerast eller presiserast, og eventuelt om det bør utarbeidast eigne retningslinjer, kan gjere arbeidet enklare og meir føreseieleg for alle partar og sørge for likebehandling.

Saksopplysningar:

Forskrift om folkevaldes rett til godtgjersle og velferdsgoder i Kinn vart vedteken i K-sak 137/23 den 05.10.2023.

Forskrift om folkevaldes rett til godtgjersle og velferdsgoder i Kinn kommune

I forskrifta står følgjande:

«§ 3. Rett til dekning av utgifter og økonomisk tap

Den som har eit tillitsverv i Kinn kommune, har krav på

- a. skyss-, kost og overnattingsgodtgjersle for reiser i forbindelse med vervet*
- b. dekning av utgifter som følgje av vervet, også utgifter til andre for å utføre nødvendige arbeidsoppgåver, barnepass og andre omsorgsoppgåver ein i forbindelse med utøving av vervet ikkje sjølv kan utføre*
- c. erstatning for tapt inntekt som følgje av vervet.*

Krav etter første ledd skal fremjast for sekretariatet så snart som mogleg og bør seinast setjast fram innan 3 månader etter at kravet oppstod. Kravet skal dokumenterast. Krav etter første ledd bokstav b eller c som ikkje kan dokumenterast, dekkast likevel dersom utgiftene eller tapet er sannsynleggjort på annan måte.

§ 4. Utmåling av utgifter og økonomisk tap

Godtgjering for skyss, kost og overnatting etter § 3 første ledd bokstav a vert gjeve for reiser over 10 km etter dei til ei kvar tid gjeldande satsane i kommunen sitt reiseregulativ.

Utgifter etter § 3 første ledd bokstav b vert dekkast med inntil kr 1 600 per dag for dokumenterte utgifter og inntil kr 800,- per dag for ikkje-dokumenterte tap.

Tapt inntekt etter § 3 første ledd bokstav c vert dekkast med inntil kr 6 000 per dag for dokumenterte tap og inntil kr 1 500 per dag for ikkje-dokumenterte tap.»

Krav om tapt arbeidsforteneste vert sendt inn slik:

Faktura frå arbeidsgjevar:

Arbeidsgjevar sender faktura for den tida den tilsette har vore borte frå jobb i samband med møte som folkevald. Det kan fakturerast med inntil kr 6 000 per dag.

Den tilsette får ikkje trekk i løn, og arbeidsgjevar får refundert lønsutgifter for den aktuelle perioden.

Ordninga sikrar at den folkevalde ikkje får redusert pensjonsopptening.

Krav frå folkevald - legitimert godtgjersle (inntil kr 6 000 per dag):

Den folkevalde registrerer kravet i Visma og legg ved dokumentasjon på tap av løn.

Dokumentasjonen vert arkivert.

Dokumentasjon frå arbeidsgjevar inneheld:

- oversikt over beløp den tilsette er trekt i løn, med dato og eventuelt klokkeslett
- oversikt over trekk i løn for vakt i forkant av møtedato/møtetidspunkt
- opplysning om timesats
- stadfesting på at den tilsette ikkje har fått utbetalt løn frå arbeidsgjevar for den tida vedkomande har vore i møte som folkevald

Krav frå folkevald - ulegitimert godtgjersle (inntil kr 1 500 per dag):

Den folkevalde registrerar kravet i Visma.

Lov om kommuner og fylkeskommuner (kommuneloven):

Stortinget vedtok i 2018 ny kommunelov, som trådte i kraft hausten 2019. I forarbeidene til ny kommunelov (Prop. 46 L 2017–2019 side 120) beskrivast gjeldande rett, altså situasjonen etter lova i dag, slik:

"Folkevalgte som er uten fast lønnet arbeid, som for eksempel hjemmeværende, pensjonister og studenter kan ha krav på erstatning for tapt inntekt. Dersom de har tap i inntekt ved at de må forsømme sine ordinære gjøremål for å ivareta tillitsvervet, kan disse få erstattet inntektstapet. Tap i inntekt som følge av at de må forsømme slike ordinære gjøremål lar seg imidlertid vanskelig legitimere. I slike tilfeller er det krav om at tapet må være sannsynliggjort. Dersom studiene forsømmes som følge av vervet, vil en student kunne få erstatning for tapt inntekt. På tilsvarende måte vil en hjemmeværende eller pensjonist som må utføre sitt verv som tillitsvalgt til samme tid som sine ordinære gjøremål, ha rett til slik erstatning."

Ovanfor nemnte viser til gamal lov, men kommentarar til ny lov viser at bestemmelsane er vidareført i kommunelova kapittel 8. Rettigheter og plikter for folkevalgte.

Kommunelova

I kommunelova § 8-3 står det:

§ 8-3. Dekning av utgifter og økonomisk tap

Den som har et kommunalt eller fylkeskommunalt tillitsverv, har krav på skyss-, kost- og overnattingsgodtgjøring for reiser i forbindelse med vervet. Kommunestyret eller fylkestinget gir selv forskrift om slik godtgjøring.

Den som blir påført utgifter som følge av et kommunalt eller fylkeskommunalt tillitsverv, har krav på å få dekket utgiftene opp til et visst beløp per dag. Kommunestyret eller fylkestinget gir selv forskrift om dekning av slike utgifter.

Den som taper inntekt fordi han eller hun har et kommunalt eller fylkeskommunalt tillitsverv, har krav på erstatning opp til et visst beløp per dag. Kommunestyret eller fylkestinget gir selv forskrift om slik erstatning. Det skal fastsettes ulike satser for dokumenterte og ikke-dokumenterte tap.

Behov for presiseringar/utarbeiding av retningslinjer

Det er behov for å presisere enkelte punkt i forskrifta og eventuelt utarbeide utfyllande retningslinjer, særleg når det gjeld tapt arbeidsforteneste.

1. Tapt arbeidsforteneste – legitimert (inntil kr 6 000 per dag)

a) Krav til dokumentasjon

Etter § 3 første ledd bokstav c kan tapt arbeidsinntekt dekkjast med inntil kr 6 000 per dag. Det bør presiserast kva krav som skal stillast til dokumentasjon:

Dokumentasjon kan til dømes vere:

- lønsslipp som viser trekk i løn
- stadfesting frå arbeidsgjevar om trekk i løn
- oversikt over dato og tidsrom for fråver
- opplysningar om timesats

Dersom tapet ikkje kan dokumenterast, men det er sannsynleg at den folkevalde har hatt eit økonomisk tap, kan det vere aktuelt å nytte satsen for ulegitimert tap.

b)Tidsavgrensing (kl. 08.-16.00)

I tidlegare reglement var det presisert at fråver berre vart kompensert for tidsrommet mellom kl. 08.00 og 16.00. Ei slik avgrensning er ikkje omtalt i gjeldande forskrift. Det bør vurderast om dette skal presiserast i forskrifta eller i eigne retningsliner.

c)Tap av vakt i forkant av møte

Gjeldande forskrift omtalar ikkje om tap av vakt i forkant av møte gir rett til kompensasjon. Dette har til no blitt løyst etter avtale med ordførar. Det bør avklarast om slik kompensasjon skal regulerast nærare.

2.Tapt arbeidsforteneste – ulegitimert (inntil kr 1 500 per dag)

a)Krav til sannsynleggjering

Forskrifta seier lite om kva som skal til for å sannsynleggjere eit økonomisk tap. Det bør presiserast kva krav som skal stillast, til dømes om det skal krevjast ei eigenerklæring eller annan dokumentasjon.

b)Kortare møte

Ved kortare møte vert ulegitimert sats fordelt forholdsmessig på ein arbeidsdag på 7,5 timar. Dette inneber at eit møte på to timar gjev ei utbetaling på kr 400. Det kan vurderast om denne praksisen bør presiserast nærare i forskrift eller retningsliner.

b)Bruk av ferie

Det bør avklarast om deltaking i møte der den folkevalde nyttar feriedagar skal reknast som ulegitimert tap og gi rett til kompensasjon.

Ei tydlegare regulering av desse forholda vil bidra til meir føreseieleg praksis for både folkevalde og administrasjon, og redusere behovet for skjønsmesige vurderingar i kvart enkelt tilfelle.

3.Behov for ekspertise i kommunale føretak

a)Kjøp av eksterne tenester

Ved behov for særskilt kompetanse eller ekspertise i kommunale føretak bør dette som hovudregel løysast gjennom kjøp av eksterne tenester.

Behovet bør ikkje dekkast ved å leige inn medlemmar av styret til oppdrag for føretaket.

Vurderingar:

Vestland revisjon har kome med innspel om at tapt arbeidsforteneste bør dokumenterast med stadfesting frå arbeidsgjevar når den som krev slik godtgjersle er i eit ansettelsesforhold. Slik praksisen er i nokre tilfeller i dag, vil ikkje utbetalande eining ha innsyn i om vedkomande tek igjen arbeidstimane på eit seinare tidspunkt, og dermed

faktisk ikkje har noko reelt tap.

Det vert frå revisjonen si side oppmoda om å fastsetje føringar for korleis dette skal handterast, for å sikre at ein følgjer intensjonen i reglementet og at likebehandling vert ivareteken.

Dagens praksis når det gjeld vurderingar av utbetalingar og innhald i dokumentasjon som vert sendt inn, er basert på ein kombinasjon av tidlegare praksis i Flora og Vågsøy kommunar. I tillegg til avklaringar med ordførar ved behov.

Det er behov for å presisere enkelte punkt i forskrift om folkevaldes rett til godtgjersle og velferdsgoder i Kinn, særleg reglane om tapt arbeidsforteneste. Dagens forskrift gir rom for ulik praksis og skjønsmessige vurderingar.

Det bør klargjerast:

- kva dokumentasjon som krevjast ved legitimert tap (inntil kr 6 000 per dag)
- om kompensasjon skal avgrensast til bestemte tidsrom
- om tap av vakt i forkant av møte gir rett til kompensasjon
- kva krav som skal stillast til sannsynleggjering ved ulegitimert tap (inntil kr 1 500 per dag)
- møtelengd noko å seie for utbetaling av ulegitimert tap (inntil kr 1 500 per dag)
- om bruk av ferie ved deltaking i møte gir rett til kompensasjon
- reglar for korleis behovet for ekspertise vert løyst i dei kommunale føretaka

Tydlegare reglar vil sikre likebehandling og føreseielegheit.

Økonomiske konsekvensar:

Feil utbetalingar påverkar rekneskapen negativt og kan skape behov for korrigeringar.

Aktuelle lover, forskrifter, kjelder:

Kommunelova

Forskrift om folkevaldes rett til godtgjersle og velferdsgoder i Kinn

Behandling i Gruppeleiarutvalet 25.03.2026:

Framlegg til endring, foreslått av Frank Willy Pedersen Djuvik, Kinn Fremskrittsparti
Kommunedirektøren skal utforme forskriftsendringar i tråd med følgende:

Utgifter og tap knytt til partipolitisk arbeid vert ikkje dekkja.

Kommunedirektøren fastset utfyllande retningslinjer for handsaming av krav.

Som dokumentasjon for legitimert tapt arbeidsforteneste (inntil kr 6 000 per dag) gjeld:

- For lønnstakarar: skriftleg stadfesting frå arbeidsgjevar om faktisk lønnstrekk, med dato og beløp. Alternativt kan arbeidsgjevar fakturere kommunen direkte.
- For sjølvstendig næringsdrivande og frilansarar: stadfesting av utfakturert timepris frå rekneskapsfører eller revisor, saman med eigenmelding for den aktuelle dagen.
- Alternativt kan ligningsattest for siste år nyttast som grunnlag for berekning av dagstap (næringsinntekt ÷ 260).

Som dokumentasjon for ulegitimert tap (inntil kr 1 500 per dag) gjeld eigenmelding der den folkevalde skildrar kva gjeremål møtet gjekk på bekostning av.

Lønnstakarar som nyttar feriedagar for å delta i møte har rett til ulegitimert sats.

Avgjersle i tvilstilfelle:

Kommunedirektøren avgjer i kvart enkelt tilfelle om dokumentasjon eller sannsynleggjering av tap er tilstrekkeleg. Avgjerder kan ankast til formannskapet.

Supplerande vedtak til Djuviks forslag, foreslått av Jacob André Telvik Nødseth, Kinn Venstre

Kommunedirektøren kjem tilbake til gruppeleiarutvalet med framlegg til justert forskrift.

Justert framlegg, foreslått av Frank Willy Pedersen Djuvik, Kinn Fremskrittsparti

Kommunedirektøren skal utforme forskriftsendringar i tråd med følgande:

Utgifter og tap knytt til partipolitisk arbeid vert ikkje dekkja.

Kommunedirektøren fastset utfyllande retningslinjer for handsaming av krav.

Som dokumentasjon for legitimert tapt arbeidsforteneste (inntil kr 6 000 per dag) gjeld:

- For lønnstakarar: skriftleg stadfesting frå arbeidsgjevar om faktisk lønnstrekk, med dato og beløp. Alternativt kan arbeidsgjevar fakturere kommunen direkte.
- For sjølvstendig næringsdrivande og frilansarar: stadfesting av timepris frå rekneskapsfører eller revisor, saman med eigenmelding for den aktuelle dagen.
- Alternativt kan ligningsattest for siste år nyttast som grunnlag for berekning av dagstap (næringsinntekt ÷ 260).

Som dokumentasjon for ulegitimert tap (inntil kr 1 500 per dag) gjeld eigenmelding der den folkevalde skildrar kva gjeremål møtet gjekk på bekostning av.

Lønnstakarar som nyttar feriedagar for å delta i møte har rett til ulegitimert sats.

Avgjersle i tvilstilfelle:

Kommunedirektøren avgjer i kvart enkelt tilfelle om dokumentasjon eller

sannsynleggjering av tap er tilstrekkeleg. Avgjerder kan ankast til formannskapet.

Tillegg til framlegg, foreslått av Frank Willy Pedersen Djuvik, Kinn Fremskrittsparti

Tap av vakt før møte godtakast dersom arbeidsgivar stadfestar at vakta faktisk gjekk tapt som følgje av vervet og ikkje blir kompensert på annan måte.

Røysting:

Framlegg (justert framlegg) frå FrP v/repr. Djuvik samrøystes vedtatt.

Tilleggsframlegg frå Venstre v/repr. Nødseth samrøystes vedtatt.

Tilleggsframlegg frå FrP v/repr. Djuvik samrøystes vedtatt.

Kommunedirektøren sitt framlegg vart ikkje votert over.

GRLU- 005/26 Vedtak:

Kommunedirektøren skal utforme forskriftsendringar i tråd med følgande:

Utgifter og tap knytt til partipolitisk arbeid vert ikkje dekkja.

Kommunedirektøren fastset utfyllande retningslinjer for handsaming av krav.

Som dokumentasjon for legitimert tapt arbeidsforteneste (inntil kr 6 000 per dag) gjeld:

- For lønnstakarar: skriftleg stadfesting frå arbeidsgjevar om faktisk lønnstrekk, med dato og beløp. Alternativt kan arbeidsgjevar fakturere kommunen direkte.
- For sjølvstendig næringsdrivande og frilansarar: stadfesting av timepris frå rekneskapsfører eller revisor, saman med eigenmelding for den aktuelle dagen.
- Alternativt kan ligningsattest for siste år nyttast som grunnlag for berekning av dagstap (næringsinntekt ÷ 260).

Som dokumentasjon for ulegitimert tap (inntil kr 1 500 per dag) gjeld eigenmelding der den folkevalde skildrar kva gjeremål møtet gjekk på bekostning av.

Lønnstakarar som nyttar feriedagar for å delta i møte har rett til ulegitimert sats.

Avgjersle i tvilstilfelle:

Kommunedirektøren avgjer i kvart enkelt tilfelle om dokumentasjon eller

sannsynleggjering av tap er tilstrekkeleg. Avgjerder kan ankast til formannskapet.

Tap av vakt før møte godtakast dersom arbeidsgivar stadfestar at vakta faktisk gjekk tapt som følgje av vervet og ikkje blir kompensert på annan måte.

Kommunedirektøren kjem tilbake til gruppeleiarutvalet med framlegg til justert forskrift.

Behandling i Formannskapet 24.02.2026:

Framlegg, foreslått av Frank Willy Pedersen Djuvik, Kinn Fremskrittsparti
Saka vert sendt over til gruppeleiarutvalet, som skal komme med ei innstilling i saka.

Røysting:

Kommunedirektøren sitt framlegg til vedtak og tilleggsframlegg frå FrP v/repr. Djuvik samrøystes vedtatt.

FORM- 028/26 Vedtak:

1. Kommunestyret ber om at det vert lagt fram sak med forslag til presiseringar i forskrift om folkevaldes rett til godtgjersle og velferdsgoder i Kinn.
2. Forslaget skal særleg omfatte reglane om tapt arbeidsforteneste.
3. Saka vert sendt over til gruppeleiarutvalet, som skal komme med ei innstilling i saka.

Vedlegg i saken:

Notat til Gruppeleiarutvalet - Presisering av forskrift om folkevaldes rett til godtgjersle og velferdsgoder i Kinn